



Innkalling av Næringsfondsstyret

Møtedato: 15.06.2023
Møtestad:
Møtetid: 09:00 - 10:00

Eventuelle forfall må meldast via Møteportalen (politikarportalen). Ordføraren må og få melding om forfall til møter.

Varamedlemmer møter berre etter nærare avtale.

Sakliste

Sak nr.	Sakstittel
007/2023	Godkjenning av innkalling og saksliste
008/2023	Godkjenning av møteprotokoll
009/2023	Søknad om tilskot frå næringsfondet - Etablering Heimalaga Mat frå Pøyno i Modalen
010/2023	Søknad om tilskot frå næringsfondet til oppstart av husdyrdrift gbnr 78/1
011/2023	Søknad til næringsfondet til restaurering og tilrettelegging - Skyssbåten M/B Blien
012/2023	Orienteringssaker

6. juni 2023

Kjetil Eikefet
møteleiar

Tonje Husum Aarland
sekretær

Sakspapir

Saksbehandler	Arkiv	ArkivsakID
Tonje Husum Aarland	FE-033	23/183

Saksnr	Utvalg	Type	Dato
007/2023	Næringsfondsstyret	PS	15.06.2023

Godkjenning av innkalling og saksliste

Forslag til vedtak:

Innkalling og sakliste vert godkjent

Saksopplysningar:

Sakspapir

Saksbehandler	Arkiv	ArkivsakID
Lin Tove Thomassen	FE-033	23/183

Saksnr	Utvalg	Type	Dato
008/2023	Næringsfondsstyret	PS	15.06.2023

Godkjenning av møteprotokoll

Forslag til vedtak:

Møteprotokoll vert godkjend slik den ligg føre

Saksopplysningar:

Vedlegg:

Protokoll - Næringsfondsstyret - 31.01.2023

Sakspapir

Saksbehandler	Arkiv	ArkivsakID
Tonje Husum Aarland	FE-223, FA-U01	23/181

Saksnr	Utvalg	Type	Dato
009/2023	Næringsfondsstyret	PS	15.06.2023

Søknad om tilskot frå næringsfondet - Etablering Heimalaga Mat frå Pøylø i Modalen

Forslag til vedtak:

Modalen kommune løyver kr. 138 000,- i tilskot frå næringsfondet til etablering av Heimalaga Mat frå Pøylø i Modalen. Følgjande vilkår gjeld for vedtaket:

1. Tilskot skal nyttast i tråd med søknad m/vedlegg.
2. Tilskotet vert utbetalt på grunnlag av medgåtte dokumenterte kostnader. Før utbetaling skal mottakar ha levert inn dokumentasjon eller rekneskap som er spesifisert i samsvar med stønad og vedtak.
3. Utbetaling må skje innan 1 år frå vedtaksdato. Dersom det er behov for forlenging kan dette søkjast om innan fristen.
4. Tilskot løyvd frå næringsfondet vert nedskrive over 5 år. Ved sal av varige driftsmiddel/verksemd/tilskotsgrunnlag før dette tidsrommet er ute, kan kommunen krevje tilbakebetaling i høve den tida som er gått. Tilskotsmottakar pliktar på førehand å gje melding til kommunen om sal eller bruksendring i dette tidsrommet.
5. Tilskotsmottakarar skal rapportere til Modalen kommune om bruk og nyttegevinstar av tilskotet. Rapportering skal skje innan 1 år etter motteke tilskot.

Saksopplysningar:

Heimalaga Mat frå Pøylø søker om tilskot på kr. 138 000,- frå næringsfondet for å etablere produksjonsverksemda til Modalen og etablere seg i Modalen Næringsbygg sitt næringslokale på Øvre Helland. Målet er vidare vekst og utvikling med berekraftig verksemd og drift.

Bakgrunn

Heimalaga Mat frå Pøylø produserer lokalmat og har gjennom fleire år utvikla produkta knytt til tradisjonsmat og catering. Produksjonsverksemda er i flytteprosess til Modalen og skal etablere seg på Øvre Helland i Modalen Næringsbygg sitt næringslokale. Med auka produksjon og omsetning av produkt vil ein også i lokalet kunne utvikle meir drift rundt catering, utsal, kafè/kantine, kurs og

konferanse.

Det er eit stort behov for å oppgradere naudsynt utstyr, installere/montere og klargjere lokalet for ønska aktivitet. For å sikre at prosjektet er berekraftig og vellykka på sikt, vil ein også jobbe med utviklingstiltak, som marknadsføring, utvikling av produkt og tilpassing av lokalet etter lokale behov.

Vurdering

Det vert i næringsfondsvedtektene vist til at næringsfondet skal vere eit verkemiddel for næringslivet i Modalen og Modalen kommune i arbeidet med å fremje og styrkje næringsaktivitet og sysselsetjing i kommunen. I SNP er det fokusområde knytt til gründer, etablering, entreprenør og innovasjon, samt på utvikling av berekraftige næringar basert på lokale naturressursar.

Heimalaga Mat frå Pøyno nyttar lokale råvarar i sin produksjon og har stor interesse av å samarbeide med lokale aktørar i vidareutvikling av produkta sine. Verksemda er i ein utviklingsfase, og det vert i søknaden vist til moglege effektar av etableringa; både for verksemda og for marknad og øvrig næringsliv. Nyetableringa i Modalen i næringsbygget på Øvre Helland vil kunne bidra til positivt utvikling av lokalt næringsliv og stadutvikling i Modalen og gje ringverknader som vil kunne auka sysselsetjing og føre til vidareutvikling av verksemder. Det vert i søknaden vist til lokale samarbeid både med Modalen Næringsbygg AS for leige av lokalet, samt Klar Bedrift AS, i Modalen og Modalen pensjonat.

Rådmannen sin vurdering er at tiltaket er i tråd med fokusområde i SNP og fell inn under føremålet til næringsfondet.

Økonomi

Det er i søknaden vist til kostnads- og finansieringsplan, og totalkostnadene er rekna til kr. 277 000,-. Det vert søknad om tilskot frå næringsfondet på kr. 138 000,-. Dette tilsvarar 50 % av totalkostnadene. Søknaden og finansieringsplanen vurderast som oversikteleg og gjev godt grunnlag for vidare utvikling av verksemda.

I SNP er det vist til kategoriar for samla tilskot eller lån; kategori 1 vurderast inntil 20 % tilskot av samla stønad, 2 vurderast inntil 35 % og kategori 3 gjev samla stønad inntil 50 %. I særlege tilfelle kan tilskot eller lån tildelast utover kategori 3.

Rådmann vurderer at tiltaket det vert søkt tilskot til vert vurdert knytt til kategori 3, som inneber høg grad av sysselsetjingseffekt, busetnadseffekt og tiltak som i middels grad kan føre til nyskaping/vidareutvikling av verksemder. Dette tilsvarar inntil 50 % av samla kostnader.

Konklusjon

Rådmann rår til at Modalen kommune løyver kr. 138 000,- i tilskot frå næringsfondet til etablering av Heimalaga Mat frå Pøyno i Modalen.

Vedlegg:

Næringsfondet

resultset_533_923_vedlegg1.pdf

resultset_533_923_vedlegg2.pdf

Sakspapir

Saksbehandler	Arkiv	ArkivsakID
Laila Bjørge	FE-223	23/129

Saksnr	Utvalg	Type	Dato
010/2023	Næringsfondsstyret	PS	15.06.2023

Søknad om tilskot frå næringsfondet til oppstart av husdyrdrift gbnr 78/1

Forslag til vedtak:

Næringsfondstyret gjer Espen Helland, med foretaket 917868689, kr 150 000 i tilskot til generasjonsskifte/oppstart gardsdrift, jf kommunale tilskotsordningar for landbruket i Modalen. Pkt 6. Generasjonsskifte / oppstart av gardsdrift. Søkjar oppfyller krava som gjeld for å få statleg produksjonstilskot.

Vilkår for utbetaling:

Tilskotet vert utbetalt på grunnlag av medgåtte dokumenterte kostnader og innsendt dokumentasjon på utlegg og arbeid.

Vert drifta lagt ned før det har gått 5 år, kan tilskotet krevjast attende, jf. pkt. 2.2.B i Retningsliner for bruk og forvaltning av Næringsfondet i Modalen kommune.

Saksopplysningar:

Espen Helland med foretaket 917868689 har søkt om tilskot frå næringsfondet på kr 150 000 til oppstart av gardsdrift på Nedre Helland. Dei leiger driftsbygning og areal, men har ynskje om å byggja opp ei større husdyrdrift med storfe.

Han grunngjev søknaden sin slik:

Me starta opp hausten 2022 med storfehold, der me får nytta garden til Trond Helland. Me har pr dags dato 13 dyr der det er 5 oksekalvar, 6 kvigekalvar, 1 kvige og 1 kyr. Planen med tilskotet er å finansiere nye frontar og innredning i fjøset me nyttar, samt nausynt utstyr med tanke på oppstart av drift. Me ynskjer og å støype opp forbrettet på nytt då dette er av dårleg standar . Nye liggematter, bingeskillarar og fangfrontar i aliminium, samt gjerde til utebeite og silopress.

Innredning, liggemater, gjerde, silopress og støyp er kostnadsberekna til 94 000 eks mva og dei har

kjøpt inn drektige kviger og kalvar for 118 000. I tillegg til rundballar og kraftfor.

Total kostnad for tiltaket er kr 344 500, av det er tenkt finansiert med kr 150 000 i tilskot, kr 24 000 i eige arbeid, kr 170 000 i eigne midlar.

Vurdering

Næringsfondet er eit verkemiddel for å fremja og styrka næringsaktivitet og sysselsetjing i kommunen. I strategisk næringsplan 2017-2021 er eit fokusområde at ein skal leggja til rette for næringar som byggjer på lokale naturressursar. Auka produksjon i landbruket er eit av fleire tiltak som er nemnd.

Kommunestyret vedtok i møte den 7.april.2011 nytt regelverk for landbruket i Modalen i ein 5 års periode. Denne har seinare vorte forlenga.

Føremålet med ordninga er å leggja til rette for å styrkja landbruksdrifta i Modalen, og ordningane skal medverka til:

- Oppgradering og fornying av driftsapparat, som kan bidra til kostnadsreduksjon og betre lønnsemd
- Nyare utstyr som kan gje betre arbeidsmiljø og positiv helsegevinst
- oppgradering av driftsbygningar for å tilfredstilla krav til dyrehelse, miljø og effektiv produksjon
- Stimulera unge/nye brukarar til å driva gard

Det er svært positivt for kommunen at det vert starta opp ny husdyrdrift av unge brukarar. Dei siste åra har det vore 9 aktive husdyrbrukarar i Modalen, og det er difor eit flott tilskot til landbruksmiljøet.

Dei har avtale om å leige ein driftsbygning som har stått tom ein del år, og det er bra å få nytta ledige bygningar. På sikt kan dei gjerne få mulighet til å skaffa seg eige gardsbruk. Innkjøpa dei har planlagt med innredning m.m er naudsynte for både dyrevelferd og tryggleiken til bonden.

I pkt. 6 i tilskotsreglar for landbruket i Modalen heiter det: " Generasjonsskifte/oppstart av gardsdrift. Etableringstilskot på kr 150 000. Det er eit vilkår for ordninga at søkjar oppfyller krava som gjeld for statleg produksjonstilskot. Vert drifta lagt ned før det har gått 5 år, kan tilskotet krevjast attende, jf. pkt. 2.2.B i Retningsliner for bruk og forvaltning av Næringsfondet i Modalen kommune.

Rådmannen meiner at søknaden oppfyller retningslinene for næringsfondet og vil rå til at næringsfondstyret løyver kr 150 000 i tilskot til oppstart av ny husdyrdrift.

Vedlegg:

Søknad om tilskot

Sakspapir

Saksbehandler	Arkiv	ArkivsakID
Tonje Husum Aarland	FE-223, FA-U01	23/154

Saksnr	Utvalg	Type	Dato
011/2023	Næringsfondsstyret	PS	15.06.2023

Søknad til næringsfondet til restaurering og tilrettelegging - Skyssbåten M/B Blien

Forslag til vedtak:

Modalen kommune løyver kr. 350 000,- i tilskot og kr. 325 000,- i lån frå næringsfondet til prosjekt restaurering og tilrettelegging for reiseliv- og besøksaktivitet knytt til Skyssbåten M/B Blien og Mostraumsvika. Følgjande vilkår gjeld for vedtaket:

1. Tilskot og lån skal nyttast i tråd med søknad m/vedlegg.
2. Tilskotet vert utbetalt på grunnlag av medgåtte dokumenterte kostnader. Før utbetaling skal mottakar ha levert inn dokumentasjon eller rekneskap som er spesifisert i samsvar med søknad og vedtak.
3. Utbetaling må skje innan 1 år frå vedtaksdato. Dersom det er behov for forlenging kan dette søkjast om innan fristen.
4. Tilskot løyvd frå næringsfondet vert nedskrive over 5 år. Ved sal av varige driftsmiddel/verksemd/tilskotsgrunnlag før dette tidsrommet er ute, kan kommunen krevje tilbakebetaling i høve til den tida som er gått. Tilskotsmottakar pliktar på førehand å gje melding til kommunen om sal eller bruksendring i dette tidsrommet. Lån over 50 000,- skal sikrast med pant.
5. Tilskotsmottakarar skal rapportere til Modalen kommune om bruk og nyttegevinstar av tilskotet. Rapportering skal skje innan 1 år etter motteke tilskot.

Saksopplysningar:

Øystein Senneseth søker næringsfondet om tilskot til tilrettelegging og restaurering av Skyssbåten M/B Blien, som del av eit større investeringsprosjekt knytt til stadutvikling av Mostraumsvika.

Bakgrunn

Søkar har sidan overtaking av garden i Mostraumsvika i 2010, jobba med å utvikle området til å bli eit reisemål for turistar. Som ein del av utviklinga av staden og ønskje om auka aktivitet og moglegheiter for tilrettelegging av opplevingar knytt til sjø, overtok Senneseth i 2015 ansvaret for skyssbåten M/B Blien. Båten har tidlegare høyrdd heime i Mostraumsvika, og ny eigar ønska å kunne legge til rette for

bruk av båten i lokale samanhengar. Visjonen er å få båten på sjøen igjen og nytte denne til både til arrangement og som skyssbåt til turistar, innbyggjarar og skuleklassar for å kome over i Mostraumvika og oppleve mellom anna båtnaust og treverkstad og lære om historia til staden.

Modalen kommune overtok båten i gåve i 1995 for å vedlikehalde og ta vare på båten. I 2015 gjorde Modalen kommune vedtak om avtale i 2015 om at Senneseth fekk overta båten vederlagsfritt «slik den er». I avtalen forplikta ein seg for å ikkje selje eller overdra båten til andre eigarar i ein min. 10 års perioden, samt at ny eigar skulle leggje til rette for bruk av båten i lokale samanhengar.

Søkar har sidan overtaking i 2015 investert i utvikling og tilrettelegging av garden i Mostraumvika for å legge til rette for bruk av kaiområdet og tilfredsstillande lagring av båten, samt utført noko vedlikehald av båten. For å kunne nytte båten til tiltenkt føremål, må båten igjennom eit meir omfattande restaureringsarbeid. Det er gjort ein kostnadsvurdering av Ornes Båtbyggeri AS i Sogn for reperasjon av M/B Blien der rekna totalkostnad er på kr. 675 000,-.

Søker har registrert seg som enkeltpersonsforetak med namn «Mostraumsvika Senneseth». Føretaket jobbar med fleire prosjekt knytt til turisme og stadutvikling. Totalkostnad for prosjektet med tilrettelegging av sjøområdet med tilhøyrande bygg og restaurering av M/B Blien og robåtar er rekna til om lag kr. 1 055 000,-:

<i>Omarbeiding av naust, slipp og vinsj</i>	<i>kr. 100 000,-</i>
<i>Riving og rigging av ny flytebrygge</i>	<i>kr. 150 000,-</i>
<i>Oppussing robåtar frå Vikje</i>	<i>kr. 100 000,-</i>
<i>Restaurering av M/B Blien</i>	<i>Kr. 675 000,-</i>
<i>Årleg vedlikehald</i>	<i>kr. 30 000,-</i>

Vurdering

Det vert i næringsfondsvedtektene vist til at næringsfondet skal vere eit verkemiddel for næringslivet i Modalen og Modalen kommune i arbeidet med å fremje og styrkje næringsaktivitet og sysselsetjing i kommunen. I SNP er reiseliv eit av fokusområda, der det mellom anna skal satsast på å utvikle eksisterande og nye reiselivsprodukt.

Søkar har i lang tid investert i- og utvikla Mostraumsvika som besøksstad, og del av dette er kaiområdet med tilhøyrande bygg for tilrettelegging for besøk og bruk av M/B Blien. Det er i søknaden og i dialog med søker vist til utvikling av eit historisk området som kan gje gevinstar både knytt til auka turisme til Mostraumsvika og Modalen, samt som historisk besøksstad med moglegheiter for samarbeid med skule og andre lokale aktørar i Modalen.

Søkar ønskjer å utvikle eit reiselivsprodukt i Modalen som kan bidra til utvikling av næringslivet, samt styrking av merkevara og reisedestinasjonen Modalen ut i marknaden. Det er råd å sjå føre seg ringverknader opp mot øvrig næringsverksemd i Modalen, samt moglegheiter for å nytte staden og den gamle skyssbåten i formidling av historie og kultur i Modalen.

Rådmannen sin vurdering er at tiltaket er i tråd med fokusområde i SNP og fell inn under føremålet til næringsfondet.

Økonomi

For prosjektet knytt til utvikling og tilrettelegging av kaiområde og restaurering av båt, er det rekna ein totalkostnad på om lag kr. 1 055 000,-. Det er søkt om tilskot knytt til kostnadene for restaurering

av M/B Blien på kr. 675 000,-. Dette er om lag 60 % av totalkostnad.

I SNP er det vist til kategoriar for samla tilskot eller lån; kategori 1 vurderast inntil 20 % tilskot av samla stønad, 2 vurderast inntil 35 % og kategori 3 gjev samla stønad inntil 50 %. I særlege tilfelle kan tilskot eller lån tildelast utover kategori 3.

Rådmann vurderer at tiltaket det vert søkt tilskot til vert vurdert knytt til kategori 2, som inneber middels grad av sysselsetjingseffekt, busetnadseffekt og tiltak som i middels grad kan føre til nyskaping/vidareutvikling av verksemdar. Dette tilsvarar inntil 35 % av samla kostnader.

Rådmann vurderer vidare at restaurering av M/B Blien vil vere eit viktig ledd i vidareutviklinga av Mostraumsvika og dei visjonane søkar har for staden som besøksstad- og reisemålsdestinasjon. Rådmannen tilrår derfor at resterande søknadssum som ikkje vert dekkja av tilskot, vert lånefinansiert frå næringsfondet.

Konklusjon

Rådmann rår til at Modalen kommune løyver kr. 350 000,- i tilskot og kr. 325 000,- i lån frå næringsfondet til enkeltmannsføretaket Mostraumsvika til prosjekt restaurering og tilrettelegging for reiseliv- og besøksaktivitet knytt til Skyssbåten M/B Blien og Mostraumsvika.

Vedlegg:

Restaurering av Blien
Reperasjon Blien tilbud

Sakspapir

Saksbehandler	Arkiv	ArkivsakID
Tonje Husum Aarland	FE-033	23/183

Saksnr	Utvalg	Type	Dato
012/2023	Næringsfondsstyret	PS	15.06.2023

Orienteringssaker

Forslag til vedtak:

Sakene vert tekne til orientering

Saksopplysningar: